

平津館金石萃編

平津館金石萃編卷十一

唐五

雲麾將軍張說夫人樊氏墓誌 永貞元年十月廿日

已見王氏萃編

讀書巖孟簡題名 元和元年二月

摩崖高一尺四寸廣六寸二  
行今在廣西臨桂獨秀山

元和元年二月三日

刑部員外郎孟簡

右刻在讀書巖簡新舊唐書皆有傳劉玉麀曰幾道

官刑部史傳失載而韓昌黎詩集有之此石刻足以証古按韓文集注云孟簡字幾道德州昌平人以新舊傳考之未嘗為刑部史豈逸之耶新傳言其為倉部以不附王叔文徙佗曹或者佗曹即刑部也考叔文用事在順宗時僅一年次年即元和元年與題名正合其來桂林不可考韓詩有云今君軺方馳或因使事至此耶玉麈寶應人以拔貢生試用廣西州判

卒

身西金石略

南康郡王韋皋紀功碑

元和三年四月廿五日

已見王氏萃編

贈舒州刺史竇叔向碑 元和三年十月五日

已見王氏萃編

蜀丞相諸葛武侯祠堂碑 元和四年二月十九日

已見王氏萃編

保唐寺天王燈幢贊 元和七年五月十五日

已見王氏萃編

內侍李輔光墓誌 元和九年四月十五日

已見王氏萃編

心經幢 元和十二年二月九日

已見王氏萃編 卷六 十六

柳宗元龍城石刻 元和十二年

已見王氏萃編

佛本行集經碑 元和十四年四月八日

碑斷為三高無可紀廣三尺額中刻觀音善才像額兩箇刻文殊普賢像額題九行行四字經文廿八行行字不可紀今在直隸口口

佛本行集經卷第三十一幽州盧龍兩節度使劉相公敬造元和十四年四月八日建

經文不錄

碑額題幽州盧龍兩節度使劉相公者劉總也總裁父兄晚年父兄為崇乃削髮為僧其刻本行集經當

有數十石今但存卷卅一之一石已斷為三

四錄堂類集

竇華殘碑 無年月何夢華改為元和十四年

碑四周皆殘缺僅存高二尺四寸廣一尺六寸八行行十七字今在山東益都城東門壁

上 缺 裏行源方回

上 缺 儀郎薛華士

上 缺 上柱齊孝引

上 缺 裏行韋曾

上 缺 部員外郎兼侍御史內供奉賜緋魚袋竇華

此行無字

上 缺 軍事兼青州刺史御史大夫上柱國韓國

下 缺

上州觀察處置押新置渤海兩蕃等使金紫光

下缺

右碑在青州城東第二層門壁間四周皆殘缺祇存諸官姓氏七行字徑一寸竇鞏一行尚全因以為題案鞏見舊唐書列傳平盧薛平辟為副使入朝拜侍御史憲宗紀元和十四年三月己丑以義成軍節度使薛平為青州刺史充平盧軍節度淄青齊登萊等州觀察等使韓昌黎竇牟墓誌載鞏亦進士以御史佐淄青府注孫曰元和十四年三月以薛平為平盧淄青節度使表鞏自副與舊唐書傳合然則鞏以佐幕至青在元和十四年矣攷押新羅渤海兩蕃等使

名代宗紀大歷十年二月以平盧淄青節度觀察海  
運押新羅渤海兩蕃等使德宗紀興元元年淄青節  
度使承前帶陸海運押新羅渤海兩蕃等使宜令李  
納兼之据此題亦有押兩蕃之名當亦以淄青節度  
兼之則於時為節度使者薛平也前列銜缺名意即

其人與

山左金石志

忠武軍監軍使朱孝誠碑長慶元年二月五日

已見王氏萃編

盟吐番題柱文無年月當在長慶二年

石柱高一丈五尺廣一尺六寸六行行八十四  
字左右方署名失拓行字數不可紀今在刺蓬



大唐文武孝德皇帝與

大蕃聖神贊普

舅甥二主商議社稷如一結立大和盟約永無渝替神人俱以證知世世代代使其稱讚是以盟文節目題之於柱也

文武孝德皇帝與

都贊陛下二

聖舅甥濬哲鴻被晚今永之屯亨於慰之情

息

覆其無内外商議叶同務令萬姓安泰所思如一成久遠大善再續慈親之情重申隣好之義為此大和矣今蕃漢二國所守見管都興實已西盡是大蕃境土彼此不為殺敵不舉兵革不相侵謀

封境 或有猜阻捉生問事訖給以衣糧放歸 令社

稷叶同如一為此大和然 舅甥相好之義善理

每須通傳彼此駟騎一□□□□□□舊路蕃漢並

於將軍谷交馬其綏戎柵已東大唐祗應清水縣已西

大蕃供應須合 舅甥親近之禮使其兩界煙塵

不揚同聞殺盜之名復無驚恐之患封人撤險鄉土俱

安如斯樂業之 □□□□□□美之□遍於日

月所照矣蕃於蕃國受安漢亦漢國受樂茲乃合其大

業耳依此盟誓永久不得移易然三寶及諸賢聖日月

星辰請為知證如此盟約各自契陳刑牲為盟設此大

約僮不依此誓蕃漢君臣  
須備守及為陰謀者不在破盟之限  
蕃漢君臣

並稽告立誓周細為文  
二君之合終以雍和登

壇之臣親署姓名于柱如斯誓文藏於王府屬

右喇薩石柱長慶二年就盟吐蕃所立中刻誓文六  
行行八十四字行書兩旁刻諸臣署名及蕃臣署名  
蕃字橫讀不可識此拓但有誓文無蕃漢諸臣署名  
非全本也舊書吐蕃傳長慶元年九月吐蕃遣使請  
盟乃命大理卿兼御史大夫劉元鼎充西蕃盟會使  
以兵部郎中兼御史中丞劉師老為副尚舍奉御兼

監察御史李武京光府奉先縣丞兼監察御史李公  
度為判官十月十日與吐蕃使盟宰臣及右僕射六  
曹尚書中執法太常司農卿京兆尹金吾大將軍皆  
預焉其詞曰維唐承天云云越歲在癸丑冬十月癸  
酉文武孝德皇帝詔丞相臣植臣播臣元穎等與大  
將和蕃使禮部尚書論訥羅等會盟于京師壇于城  
之西郊坎于壇北云云大蕃贊普及宰相鉢闌布尚  
綺心兒等先寄盟文要節云蕃漢二邦各守見管本  
界彼此不得徑不得討不得相為寇讎不得侵謀境  
土若有所疑或要捉生問事便給衣糧放還今並依

從並無添改預盟之官十七人皆列名焉其劉元鼎  
等與論訥羅同赴吐蕃本國就盟仍勅元鼎到彼令  
宰相已下各於盟文後自書名二年二月遣使來請  
定界六月劉元鼎自吐蕃使迴奏云去四月二十四  
日到吐蕃牙帳以五月六日會盟訖今此喇薩石柱  
在吐蕃界當是二年五月六日盟後所立其文即舊  
傳所載要節而演暢其詞惟定界係是年添入餘實  
無添改其興貴將軍谷綏戎柵清水縣等地名不見  
于舊新志其諸臣姓名新書較詳吐蕃傳元年遣使  
者尚騎力陀思來朝且乞盟詔許之崔植杜元穎王

播輔政大理卿劉元鼎為盟會使右師郎中劉師老副之詔宰相與尚書右僕射韓皋御史中丞牛僧儒吏部尚書李絳兵部尚書蕭俛戶部尚書楊於陵禮部尚書韋綬太常卿趙宗儒司農卿裴武京兆尹柳公綽右金吾將軍郭縱及吐蕃使者論訥羅盟京師西郊贊普以盟言約二國無相寇讎有禽生問事給服糧歸之詔可大臣預盟者悉載名於策明年請定疆候元鼎與論訥羅就盟其國勅虜大臣亦列名于策傳內所載劉元鼎劉師老及宰相崔植已下僅十五人而舊傳言十七人殆判官李武李公度亦當列

名然二年五月已前崔植罷知政事王播出為淮南  
節度韓皋李絳蕭俛柳公綽皆有遷升則柱後系街  
又當與新傳不同俟更求全拓本校之

四錄堂  
類集

喇薩即位撤在打箭爐西北三千四百八十里為藏  
衛首地達賴喇嘛居此有大廟謂之大召土人共傳  
唐文成公主所建近人西藏記云大召名曰老木郎  
坐東向西樓高四層上有金殿五中殿左廊有唐公  
主暨吐蕃贊普像大殿內有明萬歷間太監楊英所  
立碑門外有唐蕃和盟碑高約一丈五尺寬約四尺  
厚約二尺兩旁刊有大臣太宰尚書等字跡並牛僧

儒姓名模糊不能悉讀碑旁有唐植古柳二株老幹  
盤屈若龍蚪然據此則喇薩乃唐時吐蕃故都舊唐  
書劉元鼎自吐蕃使迴奏云去四月二十四日到吐  
蕃牙帳以五月六日會盟訖即其地也西藏記載此  
碑無缺字而不載諸臣姓名今以拓本校之其泐缺  
處以臆補者四十字其碑字可識而顯與違戾者一  
百卅五字庸妄人涉筆動輒作偽如此然其言碑石  
形製或不誣也

四錄堂  
類集

右盟吐蕃題柱文長慶二年所立在今喇薩以道  
遠故前代諸家未入錄曾見石琢堂臬使有割表



本泐缺頗多前為誓文後為蕃漢諸臣署名翁覃  
谿學士書跋冊尾余未及錄出此本乃言臬雲同  
年所寄贈未經割表凡六行僅泐卅六字視琢堂  
本殊勝惟諸臣及蕃字署名失拓為可惜

邠國公梁守謙功德銘長慶二年十二月一日

已見王氏萃編

中書令張九齡碑長慶三年九月十二日宋天聖八年重刻

碑連額高一丈二尺廣七尺四寸行行六十字今在廣東曲江

唐尚書司丞相中書令張九齡碑額四行

唐故金紫光祿大夫中書令集賢院學士知院事修國

史尚書右

丞相

荊州大都督

長史贈大

都督上柱國始

興縣開國伯文獻公神道碑銘

銀青光祿大夫廣州刺史

兼御史大夫

持節充嶺南節

度支度營田五府經略觀察處置

等

使上柱國會稽縣

開國公徐浩撰

有唐既受

命在

太宗時有若

梁公房鄭公魏衛公

李格于皇天在

高宗時有若梁公狄格于

上

帝在

中宗時有若漢陽王張扶陽王桓興復宗社

在

玄宗時有若梁

公姚廣平公

宋燕公始興公二

張中興

王業夫以天柱將傾大盜方起一振綱目

再聞皇猷始興公為之公諱九齡字子壽一名博物其

先范陽方城人軒轅建國弼弧受氏良位為帝師華才

稱王佐或相韓五葉或佐漢七貂代有大賢時稱盛族

四代祖諱守禮隋鍾離郡塗山令曾祖諱君政皇

朝韶州別駕終於官舍大父諱曹越州剡縣

令列考諱引愈新州索盧縣丞贈太常卿廣州都督皆

蘊德葆光力行未舉地積高而成嶽雲久蓄而作霖是

生我公蔚為人傑弱不好弄七歲能文丁太常府君憂

柴毀骨立家庭甘樹數株連理王公方慶出牧廣州時

年十三上書路左燕公過嶺一見文章並深提拂厚為

禮敬弱冠鄉試進士考功郎沈佺期尤所激揚一舉高

第時有下等謗議上聞中書令李公當代詞宗詔

令重試再拔其萃擢祕書省枝書郎應道侔伊呂科對

策第二等遷左拾遺封章直言不協時宰方曰薛滿拂

衣告歸太夫人在堂承順左右孝養之至閭里化焉始

興北嶺峭險巉絕大庾南谷坦然平易公乃獻狀

詔委開通曾不浹時行可方軌特拜左補闕尋除禮部

司勳二員外郎加朝散大夫超中書舍人封曲江縣男

轉太常少卿出冀州刺史以庭闈在遠表請罷官改洪

州都督徙桂州都督攝御史中丞嶺南按察兼選補使

默免貪吏引伸 正人任良登能亮賢勞事澤被膏雨令  
行祥風屬燕公薨落斯文 將喪擢祕書少監 集賢院學

士副知院事時屬朋黨頗相排根窮柘歲餘深不得意  
渤海國王武藝達 我王命思絕其詞中書奏章不

愜 上意命公改作援筆立成 上甚嘉焉即拜

尚書工部侍郎兼知 制誥扈從北巡便祠 后

土命 公撰赦對 御為文凡十三紙初無藁草

上曰比 以卿為儒學之士不知有王佐之才今日得  
卿當以經術濟朕累乞歸養 上深勉焉遷公弟九

臯九章官近州里伏臘賜告給驛歸寧遷中書侍郎丁

內憂中使慰問賜絹三百匹奔喪南訃祔葬先塋毀無

圖生嗑不容粒白雀黃犬號噪庭壁素鳩紫芝巢植廬

隴孝之至者將有感乎既卒哭復遣中使起公本官同

中書門下平章事

口教敷口許為辭聞命

號咷使者逼迫及至闕下懇請終喪手詔曰不有

至孝誰能盡忠墨線之義不行蒼生之望安在朕以非

常用賢曷云常禮哀訴即且斷表賜甲第一區御

馬一尋遷中書令集賢學士知院事修國史初公作相

也奏差擇元戎皆取良吏不許入請罷賞戰功減諸軍

兵省年支賜諛臣僥議事竟不行明季公奏藉田

躬耕禮節加金紫光祿大夫進封始興伯每天長節公

卿皆進寶鏡公上千杖錄三卷述帝王興衰以為鑒戒

公直氣鯁詞有死無貳彰善瘴惡見義不回范陽節度

潁王濬奏前太子索甲二千領上極震怒謂其不臣顧

問於公公曰子弄父兵罪當答況元良國本豈可動

上因涕泣遂寢其奏武貴妃離間儲君將立其子使

中謁者私於公曰若有廢也必將興焉公遂叱之曰宮

闈之言何得輒出御史大夫李公尚隱太府卿裴奭先

不禮中官皆忤上旨必在殊譴公全度焉幽州節

度張公守珪綠降兩番斬屈突干將拜侍中涼州節度

牛仙客以省軍用將拜尚書並觸鱗固爭竟不奉詔

平盧將安祿山入朝奏事見於廟堂以為必亂中原因

請戮之上曰卿以王衍知石勒此何足言無何用兵為

虜所敗張守珪請按軍令中留不行公狀諫曰穰苴出

軍必誅莊賈孫子行令亦斬宮嬪守珪所奏非虛祿山

不當免死再三懇請上竟不從邊將蓋嘉運等上

策密發將士襲平西戎公以為不可妄舉結後代讐非

皇王之化也上又不納及羯胡亂常大戎逆命

步宗追嘆曰自公歿後不復聞忠讜言發中使至詔

州吊祭其先見之明有如此者學究精義文恭微旨或



有興託或存諷諫後之作者所宗仰馬上表論事事多  
樞密入皆削業人莫得知常以致 君堯舜齊衡管

樂行之在我何必古人由是去循資格置採訪使收拔

幽滯引進直言野無遺賢朝無闕政百揆時序庶工允

釐同儕見嫉內寵潛構罷公爲尚書右丞相初不介意

居之坦然執憲者素公所用劾奏權臣豸冠得罪借以

爲累貶荊州長史公三歲爲相萬邦底寧而善惡太分

背憎者衆虞機密發投杼生疑百犬吠聲衆狙皆怒每

讀韓非孤憤涕泣霑襟開元二十八年春請拜埽雨歸

五月七日遘疾薨於韶州曲江之私第享年六十三

皇上震悼贈荊州大都督有司謚行曰文獻公粵來

歲孟冬葬於洪義里武臨原近於先塋禮也夫人桂陽  
郡夫人譚氏循州司馬府君誨之子也淑慎宜家齋莊

形國珮環有節纂組皆工幼作女儀長爲內則太夫人

樂在南國不欲北轅克勤奉養深得婦禮至德二年十

月六日終于私第春秋七十七晝哭闔門日月絲遠同

塋異穴卜兆從宜公仲第九臯宋襄廣三州刺史採訪

節度經略等使殿中監季弟九章溫吉曹等州刺史鴻

臚卿腰金控紫三虎爲榮立德行政二馮推美嗣子極

居喪以孝聞立身以行著陷在寇逆不受僞官及收復

兩京特

制拜朝散大夫太子右贊善大夫孫藏器

河南府壽安尉永保先業克稟義方姪殿中侍御史抗

文史推才清公賢操以兄拯早世姪藏器幼孤未建豐

碑乃刻樂石用展猶子之慕庶揚世父之美浩義深知

已眷以文章禮接同人惠兼甥舅薄技効德無媿其詞

銘曰

鳳生丹穴鵬翥南溟天垂粹氣地發精靈傑出我公揚

於王庭甫稱降神說表騎星學究經術文高宗匠

再掌司言爰立作相忠義柱石謀猷帷帳王綱允

蒼帝采惟亮退居右揆出守南荆步鶴緝翼青蠅營營

不瞑猶視雖歿如生昭昭令名千古作程

長慶三年歲次癸卯

九月癸丑朔十二日甲子曾孫

節度判官監察御史裏行仲舉建立 曾孫承奉郎

虔州

缺下

墳塋在西北去祠□百四十有四步 曾姪孫鄉貢進

士可復同勾當立 方孫鄉貢進士景新 方孫鄉貢

進士景畫

缺下

承務郎試秘書省校書郎行韶州曲江縣令□□□篆

額 韶州軍州判官將仕郎試秘書省校書郎林

缺下

朝奉郎尚書屯田員外郎知韶州軍州兼管內勸農事

上騎都尉方澁重建

皇宋天聖八年十月重立

石於曲江張公祠

下缺

右張九齡碑按唐書列傳所載大節多同而時時小異傳云壽六十八而碑云六十三傳自左補闕改司勳員外郎而碑云遷禮部傳言張說卒召為祕書少監集賢院學士知院事碑云副知至後作相遷中書令始云知院事其載張守珪請誅安祿山事傳云九齡判守珪狀碑云守珪所請留中不行而公以狀諫然其為語則略同碑長慶中立而公薨在開元二十八年至長慶三年實八十四年所傳或有同異而至

於年壽官爵其子孫宜不繆當以碑為是也

集古錄

中書令張曲江碑唐廣州刺史嶺南節度使徐浩撰并書曲江名九齡字子壽一字博物韶州曲江人開元中官至中書令罷為尚書右丞相貶荊州長史謚

曰文獻碑大歷中書撰長慶三年刻石

寶刻叢編引集古錄日

右唐張九齡碑徐浩撰并書考徐浩撰碑時為嶺南節度使在大歷間距曲江之卒未遠至長慶中其家始刻石爾劉禹錫讀曲江集詩序以謂曲江燕翼無似終為餒魂而碑載公嗣子拯孫藏器碑後又載曾孫敦慶元孫景新景重然則曲江為有後矣不知禹

錫何所據乎碑又云公一名博物而史不載金石錄

碑重立於天聖八年在歐陽公集古錄之前不知歐  
趙二家所見者唐刻耶宋刻耶朱長文墨池編云中  
書令張九齡碑徐浩撰并書長慶三年立則固唐碑  
矣而此碑不著書人姓氏字雖出摹勒字法頗與徐  
似則亦粵東之古刻矣予訪求此碑歷七寒暑問之  
官吏問之土人問之張氏子姓皆云久亡前年謁公  
祠詩有徐會稽碑蹟竟湮之句蓋亦信以為實也矣  
今按刻金石略至此卷適獲此碑於韶城曲江祠後  
出諸土中完然豐碑而剝泐已甚以志所載全文參

讀疑者□之增諸卷帙亦一快事也

粵東金石略

是碑原石久佚今曲江祠新出土者宋天聖八年韶州判官林某重書其碑前第二行徐浩撰下刪去并書二字與金石錄墨池編寶刻叢編類編所載不同碑云公一名博物亦見舊書本傳趙德甫但據新傳故言史不載也碑云張守珪斬屈突干舊守珪傳作屈利與可突干新傳同則為二人疑碑誤其叙張守珪請誅安祿山事與舊傳同新傳改為九齡署其狀歐跋亦但據新傳也碑云謚曰文獻新傳同舊傳作文憲轉寫誤碑云仲弟九皋宋襄廣三州刺史舊傳



作唐徐宋襄廣五州刺史以九臯碑考之則史得其  
實碑後載曾姪孫可復金石錄作曾孫敦慶宰相世  
系表九齡曾孫敦慶棗州司倉參軍元孫景新景重  
九臯曾孫可復潮陽主簿蓋此碑重書時有刪改矣  
余以嘉慶壬戌過韶州獲見曲江畫像其絹如麻相  
傳是吳道子筆并拓得此碑以曲江集附錄及韶州  
志粵東金石略所載校之知諸家皆多脫誤韶州尚  
有張九臯碑余靖碑惜未拓得

四錄堂  
類集

修浯溪記寶歷元年五月廿三日

已見王氏萃編

公孫超等造陀羅尼經幢寶歷二年三月十五日

石高七尺六寸周廣五尺六寸六面周刻其第一面刻公孫超等題名一行經文五行二三四面皆經文末二面施主題名甚摩滅行字不可紀今在山東濟寧

大唐寶歷二年歲在丙午三月戊辰十五日壬午發心

主□□□公孫超弟寬石於幢上鑄佛頂尊勝陀

下缺

經文不錄

施主題名甚摩滅不錄

右幢在濟寧州城內普照寺州志所載六楞唐幢是

也

山左金石志

西平郡王贈太師李晟碑大和三年四月六日

已見王氏萃編

狀嵩高靈勝詩大和三年六月十日

已見王氏萃編

東郡懷古詩大和四年六月一日

已見王氏萃編

洋王府長史吳達墓誌大和四年十月廿一日

已見王氏萃編

百塔寺陀羅尼經幢大和六年四月十日

已見王氏萃編

卷六  
十六

甄叔大師塔銘大和六年四月卅日

已見王氏萃編

安國寺寂照和上碑 大和七年十二月

已見王氏萃編

平盧節度押衙劉公夫人辛氏墓誌 大和九年十月七日

石方廣二尺一寸十七行行廿字  
至廿六字不等今在山東益都

唐故平盧軍節度押衙兼左廂兵馬使銀青光祿大夫

雲麾將軍檢校國子祭酒兼御史中丞上柱國食邑二

千五百戶劉公夫人隴西辛氏墓誌銘 并序 文林

郎試大理評事寇可長撰

夫人辛氏隴西郡人也 父諱行儉 夫人即府君長

女也。媿于彭城劉公公不幸早薨。夫人稟山嶽之粹靈，受人倫之大福，博行而多聞，發言而合禮，素德全備，泚慎威儀，迨于姻親，俯仰威若挺霜操，而馳其聲，窠女功而發其譽。夫人六十有六，以大和九年敕七月廿日而薨。夫人有子二人，長子平盧節度衙前虞候雲麾將軍試殿中監上柱國克勤，次子節度散列將克恭，生女一人。日引子等哀毀過禮，杖而不起，乃扶護靈柩。當年冬十月七日，祔葬于青州益都縣永固鄉廣固之里，以先塋不利，故別遷宅。光西據于麓，倚山丘之崇秀，東極于荒南，眺青山北，臨于郡，仍書銘于墓內。

白玉無瑕 青松有節 德儀咸備 行偕先列 弃  
塵甘而歸天 流芳華而不歇 蒼茫野色 雲悲鴻  
咽 林撼：兮悲風 光娟：兮夜月

右刻在青州府城內鍾氏十七行字徑五分虛其左  
幅內稱窠女功窠即彙字義取於集衆力耳女一人  
日引日讀若粵古曰日二字不分長扁唐時猶然也

山左金石志

藩鎮屬官名目甚多此誌有散列將則僅見也生女

一人日引子當讀如字或讀若粵非四錄堂類集

贈吏部尚書馮宿碑 開成二年五月

已見王氏萃編

十二經并五經文字九經字樣 開成二年九月七日

已見王氏萃編

樊忠義功德碑

開成三年三月廿九日

碑連額高五尺三寸五分廣三尺二寸廿三行行四十字額有題名十七行今在山東魚臺池頭集

功德碑

額二行

建功德碑銘 并序 清河沙門玲幽文并書黃篆額

恧夫造化厥初以渾元為首乾坤纒著二儀始分爰有三皇降其間五帝居其次然乃麓連粟陸尊盧赫胥神農伏羲禹湯堯舜周秦之後迄至隋唐開闢已來君王

宰輔不可繁載備如傳記者也唯有西域之教生於周  
昭王甲寅之歲來自乎漢明帝永平之年摩騰竺法蘭  
瓶于此矣然則釋道儒門如鼎之三足若整溺救難易  
危成安莫過乎釋氏之教焉有志信上黨樊公先代楚  
有將軍燕有烈士公則是其緒囊也 首祖及祖尊諱  
不書並高尚不仕隱於里閭則榮官貴祿勿干懷也

考諱元信曾任武寧軍討擊副使雄名振古英畧貫時  
動日羽以猿驚彎月弓而雁落郡府捐其風軌轅門仰  
其規儀藝絕奇能莫可倚也嗣子樊忠義家本上黨來  
居魯邦巨產洪基里閭推最公量為河海氣納乾坤幼



而謙長而恭文武忠孝備于厥躬無虞丘三□有榮期  
三樂不苟名宦遁跡丘藪時人望之不及也有子長曰  
德亮仲曰德安季曰德平並事父能竭力事君能盡忠  
與朋友交言而有信公家務之暇暫尔靜思乃喟然長  
嘆曰余覽維摩經見是身如芭蕉中無有堅又金剛經  
云一切有為法如夢幻泡影吾今年侵瀟柳齒髮漸衰  
若不預造梯航將何越於苦海遂乃捨縑帛割餘資轉  
法華經一部七卷四十九遍已終持金剛一軸之經一  
万之數云畢更以絹捨束素粟麥一車入修當村佛殿  
工償又兩度施絹六疋臺山設三百僧齋大聖文殊遙加

密護更施絲二百一十八兩將充贖香四州供養僧伽  
三網飛湫迴報若不標記胡表素誠爰訪他山之異石  
遂立豐碑召遠域之良工得班輪之奇士更造功德一  
鋪數有十軀家口部一十五人虔誠侍側且尊容相好  
並悉圓嚴菩薩神龍無不殊麗經文有<sub>以</sub>所環之字隨心  
識而鑄成佛前有宛卷之花從手下而鑿出建造在於  
私弟成就送至茹藍万代子孫永充供養此寺之勢也  
東接太公之遺跡西隣古戴之州南眺豐城北倚厥國  
且昔時堂殿尊像儼如今荆瓊碑豈立于此所有功德  
先奉我 國家伏願

帝歷長明金輪永御 大史常侍保佐 堯塔州縣采  
祭鎮居祿位樊公先靈尊眷諦國受生現在一門保全  
慶吉仍恐日月驟改采田幾變將刊貞石以紀年工銘  
曰 天地將分兮盤古生焉 濁氣為地兮清氣為天

三皇降德兮五帝其間 周秦相禪兮唐祚聯綿

釋道儒教兮齊致 如鼎三足兮無偏 口主不易兮

鄭重 樊公志信兮虔 轉金經兮數言 捨財物兮

無邊 立不朽兮貞石 石班尔兮彫鐫 建尊像兮

儼若 合家稽首兮佛前 獲福壽兮此世他世 立

碑記兮千年萬年

功德主樊忠哉 男德亮 男德安 男德平 孫男

惟孝 孫男惟晟 孫男惟政 孫男惟義 已上題名  
八行在額

右右  
行

妻李氏十一娘 妻侯氏十七娘 新婦仇氏 新婦

張氏 新婦武氏 女十娘 姪女音因 子十

二娘姪女七娘 孫女二娘孫女四娘 已上題名九  
行在額左

碑陰

經文不錄 有施主題名  
列失拓

時大唐開成三年歲次戊午三月己未朔廿九日丁亥

建此碑工畢

樊忠義功德碑行書碑陰正書在濟寧州魚臺縣池  
頭集三官廟舊址文云西域之教生於周昭王甲寅  
之歲業經其云周昭王二十四年天竺迦維衛國淨  
飯王妃摩耶氏夢天降金人遂有孕於四月八日太  
子生於右肋名悉達多年十九入檀特山修行證道  
至穆王三年明星出時成佛號世尊二十蓋本此文中  
禹湯堯舜先後紊亂又以整溺為拯溺以緒震為緒  
裔皆村俗不知文字體裁者所為殊可哂也

山左金  
石志

大泉寺新三門記

開成三年十一月廿六日

已見王氏字編

義陽郡王符碑無年月王氏考為開成三年

已見王氏萃編

鄭引禮妻李氏夫人墓誌開成四年四月十日

石高一尺四寸廣一尺五寸十六行行廿四字至廿八字不等今在河南孟縣

唐故李氏夫人墓誌并序清河張元白撰

河南府河陽太平鄉臨泉村鄭引禮適妻以開成四年三月十四日昊天不祐終於長夜夫人祖諱海尊諱士安以元和十五年二月十七日殯於河南府濟源縣清廉鄉官橋村平原禮也其先隴西郡人也嘗觀懷洛之士公門惟積善琴瑟和調天資柔順常能尅己以惠

於人性自沖和母儀親戚有兄弟兩人兄從簡大和七  
年九月十日終于長夜弟道士方慶住奉仙觀 夫人  
有四女幼小七女丞登三和娘子皆以刑毀絕漿不食  
日月推移痛盡盡哭之深 夫人忽自寢疾而未經旬  
遂終于開成四年歌變為哭傷嘆不期享年卅至開成  
四年己未歲四月壬子朔十日辛酉殯於河南府河陽  
縣太平鄉西沼村北卅五步高塋之前 其地阜勢前引  
後從中之如堂安殯必固誰言有虧猶恐桑田變改年  
代不同若不標於貞石何可留於千載迺為誌云 其  
一曰憶念平上日 曾為濟上人 芳聲傳海內 誰

是不知聞 其二曰死隔恩憐女 悲 其三曰 空

何處去 聲三堪斷腸 其三曰葉落終歸本 人

生 然 泉臺空寂寞 來路永無還楊全慶鐫字

是刻諸家未著錄其撰書出愴父手中有云河陽太

平鄉臨泉村及西沼村濟源縣清廉鄉官橋村足為

方志之助

四錄堂類集

大遍覺法師元奘塔銘 開成四年五月十六日

已見王氏萃編

慈恩寺基公塔銘 開成四年五月十六日

已見王氏萃編



馬恆郝氏二夫人墓誌 開成六年正月十三日

已見王氏萃編

重沙大像寺記 會昌元年五月十日

已見王氏萃編

大達法師方祕塔碑 會昌元年十二月廿八日

已見王氏萃編

戒珠寺陀羅尼經幢 嘉泰會稽志云會昌二年六月

已見王氏萃編

包山寺陀羅尼呪幢 會昌二年九月八日

已見王氏萃編

天寧寺陀羅尼經幢 會昌三年十月九日

石高七尺五寸周廣一丈五寸八面周刻  
七十二行行五十八字今在浙江歸安

經文不錄

唐會昌三年歲在癸亥十月丙辰朔九日甲子樹建

幢功德主穎川陳榮 勾當寧化寺僧入觀 寺主僧

令洪書 上座僧守賢 都維那乳立 大都料汝南

周儒并刻字

會昌三年十一月九日樹至會昌五年六月十七日准

勅廢至大中元年十一月廿八日重建

中大夫使持節湖州諸軍事守湖州刺史上柱國彭陽

縣開國男食邑三百戶令狐綯

專勾當軍事押衙陳敬 衙前虞候吳允中 隨身沈

德師 功德三陳榮建 大都料陳德方重樹 李公

亮奉為亡 考妣永充供養 劉暹

湖州天寧寺建自陳永定三年武宣章皇后故宅也

曰龍興曰孝義曰萬壽曰報恩光孝 額屢更其曰

天寧者仍吳越武肅王所更額也相 寺有尊勝陀

羅尼石幢一十四座今其八尚存文可辨識者一建

于大中元年十一月後題刺史令狐綯姓名一建于

大中二年八月後題刺史蘇特姓名書者曹巨川也

一建于大中十二年四月書者凌渭也一建于會昌元年十一月書者胡季良也一建于咸通十一年三月又斷石一平望芮文琛立後題乾符六年四月蓋平望驛時屬烏程澄源鄉宜陽里故張承吉詩云一派吳興水西來此驛分斯其證矣巨川渭莫考季良見宣和書譜載其行草書各五種考諸家記錄金石文字太和八年湖州德本寺碑陰係季良正書寶曆二年杭州六覺禪師碑元和二年平李錡紀功碑均係季良八分書元和四年國子司業辛璿碑九年永興寺僧伽和尚碑均係季良篆額是季良于書法諸

體精熟不獨行草見長矣惜也幢第稱曰處士而不著其里貫疑卽州人至繪畫人魚簡則畫譜未詳僅見于此予友鄭元慶芷畦撰湖州府志手拓諸幢文見示予嘉其見聞之周洽也書冊尾歸之

曝書亭集

吾郡天寧寺經幢十四可拓者十一此幢會昌三年僧令洪書其題年月之前復刻差小字二行云會昌三年十月九日樹至會昌五年六月十七日准勅廢至大中元年十一月廿八日重建有湖州刺史彭陽縣開國男令狐綯等署名按舊書武宗會昌五年正月道士趙景升起劉少靖排毀釋氏而圻寺之

請行焉四、新制部檢括天下寺及僧尼人數七月  
勅併省天下佛寺中書又奏天下廢寺銅像鐘磬委  
鹽鐵使鑄錢其鐵像委本州鑄為農器八月制天下  
所圻寺四千六百餘所還俗僧尼二、六萬五百人  
圻招提蘭若四萬餘所此幢樹未二、即准勅廢以  
此也六年三月宣宗即位五月誅道士劉步靖等十  
二人大中元年閏三月勅所廢寺宇有宿舊名僧復  
允修創一住持所司不得禁止此幢於是年十一  
月重建以此也蓋仆而復立未嘗重刻竹垞跋謂建  
于是年十一月未免失實舊書令狐綯傳會昌五年

出為湖州刺史大中二年召拜考功郎中三年拜中書舍人襲封彭陽男食邑三百戶新傳襲彭陽男亦六述中書舍人後而舊書宣紀元年六月以中散大夫前湖州刺史彭陽縣開國男食邑三百戶令狐絢行尚書考功郎中知制誥與傳不符據此幢系銜則襲封食邑為荆湖所隨帶紀文不誤何以召于六月而十一月尚未離任則傳以為召丁二年恐是也舊書令狐楚傳大和九年十月進封彭陽郡開國公新傳亦作郡公而絢襲封縣男及為右僕射始封涼國公咸通一進封涼國公蓋唐制承襲多降階矣四錄

堂類集

元晦墨綠山記 會昌四年七月

摩崖高一尺六寸廣一尺八寸五分  
十行行十字右行今在廣西臨桂

按圖經山以石文橫希彩翠如聞若疊綵  
然故以為名東直二里許枕塵桂水其西  
巖有石門中有石偽故曰福處又門陰構  
齊雲亭迴在西北曠視天表想望歸途北  
人入道多珍鄉思會昌三年六月藏功南  
自曲沼上極山林四季七月功既

四望山記



摩崖高一尺五寸廣一尺八寸七  
行行七字右行今在廣西臨桂

山名四望故亭為銷憂亭之弄後綿絡山  
頂石磴由西而北復東上疊綵石  
崖至福庭石門約三十餘步

右刻俱在臨桂疊綵山一刻疊綵前巖右壁上方一  
刻四望山四望乃疊綵之支峰耳其上二峰為于越  
山晦亦有記見桂勝今不可得山為以石取材疑災  
斧斤矣乾隆間巡撫李世傑補書三子於瞻鶴洞按  
唐書宰相世系晦為楨從子全唐詩傳云會昌初桂  
管觀察使李德裕侍桂林風土記謂晦搜達金貂

翱翔翰林初月宮。性好巖沼時恣盤遊於時潞寇  
初平四郊無壘公私宴聚較勝爭先美節良辰尋芳  
選勝管絃車馬闌隘路隅今覽諸記略可想見馬粵

金石  
畧

尹府君朱夫人墓誌 會昌四年十一月八日

已見王氏萃編

平津館金石

唐六

天寧寺七種咒幢大中二年八月廿一

石高七尺五寸周廣九尺五寸八面刻  
六十四行行四十七字今在浙江路

佛頂尊勝陀羅尼

千手千眼觀世音菩薩廣大圓滿無礙大悲心陀羅尼

千手千眼觀世音菩薩廣大圓滿無礙大悲心陀羅尼

大佛光放光悉怛多鉢怛羅大心真言

無量壽如來十甘露真言

如意輪根本真言

清淨法身毗盧遮那佛化身五部道場主大輪金剛三  
味即真言 已上咒文俱不錄

唐大中二年歲在戊辰八月戊子廿一日戊申建

功德主施安 費亮 徐瑗 沈思怡 都勾當軍事

押衙陳敬 衙前虞侯吳允中 隨身以德師 曹巨

川書

太中大夫使持節湖州諸軍事守湖州刺史上柱國蘇  
特

此幢楷法 昌三年幢尤勝洵吾郡至寶也

蘇特即代

公初刻仁者不見于史

四錄堂類集

周公祠靈泉碑 大中二年十一月廿日

已見王氏萃編

贈工部尚書張仁憲碑

寶刻類編云大丁二年

碑連額高一丈五尺五寸廣六尺一寸廿九行行七十字今在直隸文安

卅香故贈工部尚書張仁憲公

福道

上碑

額四行  
行四字

唐以程青光祿大夫檢校

缺

上字上柱國李儉撰

幽州節度隨軍

口口口口口口口口口口



有唐贈工部尚書張公孚靈

圖才於

之五彎弧倍六鈞之力輕財扶義急

夷然諾信於友朋賑給行於州里不以

隅自束不以

駟之遊座別嘉賓遍受

浮雲顧金玉之蔽比之於

居如列土譽若置郵語默順時浮沉樂

道偃俛從事逍遙不羈嘗仕本州歷居右

職貞元初

敕授銀青光祿大夫太

貞元四年薨

於官舍春秋七十五旋窆於文

安縣之西北安樂原夫人扶風郡太夫人

魯氏至廂兵馬使太子詹事福之女行符

箴頌禮具殯式追於石窆後公廿二年

而沒坐是祔焉禮也

公諱仁憲字仁憲其先清河人五世相韓

文成見稱於漢代武台輔晉壯武克大於



當時昭

□□□□□□□□

□□□□

諱熒□□為□州刺史封清河伯遂家于

燕

皇父諱佐明皇宣威將軍

行幽州游獵府名果毅都尉

烈孝

諱元皎宣節校尉幽州□□□□□□□□

□□□□□□□□□□□□□□□□□□

載德克廣府脩暉華閣闕之門鑿綜崆峒

之秀元子諱神寂無祿早世 嗣子

諱光朝冠軍大將軍行左威衛大將軍□

□□□□□□□□□□□□□□□□□□

部尚書訓稟義方中推命在學說典禮識  
洞機符調儻不羣洞達無撓出則摧戎狄  
屈則宥韜鈴珠履常館於三千鐵衣時駐  
於十萬斂□□□□□□□□□□□□□□  
□□□□□□□□於許國銀黃坐斂琴玩自  
娛膺祿履徼樂天坦襟□□□箴積慶崑  
範高朗令終誕生元臣為國巨防

兵部嗣子仲武今幽州盧龍□□□□□□

□□□□□□□□□□□□□□兩蕃經略

盧龍軍兼充招撫迴鶻等使銀青光祿大

夫檢校司空同中書門下平章事兼幽州  
大都督府長史蘭陵郡王食邑三千戶望  
□□□□□□□□□□□□□□□□□□□□□□

心而緝契 帝圖立言而金玉 王

度巖干戈以衛社稷推彖象以究天文側

席求賢勞心數理歷階濟紱夙奉 鴻

私洎授鉞專証登壇□□□□□□□□□□□□

□□□□□□□□□□□□□□□□□□□□□□

之先論道三台之別破獠

鬻之衆帳盈七千拓鮮卑之壇地開千里  
七秋稽顙百蠻投誠張國四維承天八柱



御史次曰  
□□□□□□□□□□□□□□□□

馬敬之幽都主簿敬殷幽州參軍伯長房

有子曰沛早丘琇兼監察御史有孫曰惠

連兼殿中侍御史皆珪璋特達冠蓋相望

丹青克紹於形容蘭菊聯  
□□□□□□□□□□□□□□□□

名家穆然清風高視羣品

相國以逮事逾遠聿修漸遙松楸既行琬

琰未勒景行安仰忠心如寧是用伐石他

山建碑墳  
□□□□□□□□□□□□□□□□

窺舊史竊熟  
華宗授簡勒銘

期於直筆

盛德難名扣子關而常思

墮淚誚聞強譯媿黃絹而徒媿受平終惟  
恐惶敢載銘曰

自泮子黃即烝口籍華宗上德奇謀異跡

周遣赤松受兵黃石遺著昭晰慶流輝赫

當塗代漢

口口口口口口口口口口口口口口

口口著節佐宰操刀國口口口口口口口口代有英旄

降及元魏清河運偶為郡臨燕卜居戴升

公卿窟宅德義泉藪史不絕書亦無虛口

惟

唐八英誕生

□□□□□□□□□□揮金滿路載德盈車  
清風穆若藟價沽諸泳游道惠蘊蓄儒史  
力□六鈞名馳萬里不享眉壽不登賢佐  
道邁前脩慶流後嗣克生令子寔曰時英  
□□□□□□□□□□□□□□□□襟靈

業惟匡國學表過連厥有孝孫世

唐丞相肅穆鳳池崢嶸玉帳持衡任重仗  
節心壯龜鶴齊奉山河比童籍藉羣從愔

愔德音□□□□□□□□□□□□□□□□

□□騰雪霽崑闕花繁鄧林舊□松檟時





右張仁憲碑不知何年中斷石工鑿弃齧缺改短重  
樹因每行少十餘字仁憲以孫仲武貴贈工部尚書  
仲武本名絳會昌二年賜名舊書宣紀稱仲武檢校  
司徒平章事碑亦言同中書門下平章事而宰相表  
及世系表無其名蓋使相不書然李懷光李克用等  
皆書不知何例也碑叙仲武破迴鶻七千帳威加北  
狄較舊書本傳稍略仲武父光朝弟仲至子直方舊  
傳皆與碑合碑立于大中二年其明年五月仲武卒  
子直方襲位十一月直方奔赴闕軍中推周繇為留  
後然則此碑稍遲即不克立矣人子孰不欲表揚其

祖父而住住有志未遂固有幸有不幸哉碑前題李  
儉撰蔡陵書并篆額寶刻類編有李儉所書三碑在  
綿州恐別是一人蔡陵無考其隸法絕似蔡有隣篆  
亦可觀又舊傳云仲武少業左氏春秋兼曉儒書而  
碑言推象象以究天文則仲武又嘗學易可補傳所  
未備

未備

四錄堂類集

贈尚書右僕射高元裕碑 大中六年十一月十日

已見王氏萃編

魏公先廟碑 寶刻類編云大中六年十一月

已見王氏萃編

盧鄩幼女姚婆墓誌 大中七年七月十三日

已見王氏萃編

崇明寺陀羅尼經幢 大中七年十月七日重建

石高六尺九寸周廣八尺四寸八面共六十四行  
行五十字下方題字四行共廿字今在江蘇句容

經文不錄

重修建功德主姚之徐弁陸則 大中七年十月七日

右石幢二通在句容崇明寺大殿後東西相對一漈

漫一立于中 口口年十月後題重修建功德主姚

徐弁陸則顧茲唐物志乘未有及之者豈因在耳目

之前而轉忽略邪

江寧金石記

崇明寺二幢一漫漶不可拓一泐建立年月姑據  
下方有重修建題字系之大中年亦無闕攷證也

圭峰定慧禪師碑

大中九年十月十三日

已見王氏萃編

襄州別駕韓昶自為墓誌

大中九年十二月十五日

已見王氏萃編

劉氏太原縣君霍夫人墓誌

大中十年正月廿九日

已見王氏萃編

鄭恒夫人崔氏合祔墓誌

大中十二年二月廿七日  
又一碑作鄭遇

已見王氏萃編

郎官石柱題名 大中十二年十一月十三日

已見王氏萃編

劉鏞書院羅尼經幢 咸通四年八月廿一日

高七尺九寸周廣九尺五寸八面周刻  
面各八行行六十六字今在福建龍溪

經文不錄

漳州柙口魚南界遊弈將王嗣及母陳大娘妻林八娘

男薰發願造此寶幢 宣義郎前建州司戶叅軍

事劉鏞書已上在首行  
經序標題下

朝議郎使持節漳州諸軍事守漳州刺史柱國崔袞

大德僧義中 文古 寺主貞素 上座行充 黃軒

陳充

勾當僧令如

司勾當都維那行

逢

居士鍾微

工匠程曇

魏操

畫人邵琮

陳

碧

黃照

林造

陳大娘男文教

男勅

男坤

男駢

女三娘四娘

已上並奉為先考入緣續造

新婦潘二娘陳四娘姜

五娘吳一娘入緣弟子

周迥及男女等

菜望母賀

二娘

妻林四娘

王繼

沈遇及方一娘

盧澣及

男湘

軍事直典陳

吳顛及弟璿弟榮

陳賀

茸

黃審

張瀆

王用

周引

鄭儀及男瓌

黃

穗

王持

黃展

王賞

杜簡

曾

發意大德僧藏轍

維唐咸通卅年歲在癸未八月辛酉朔廿

一曰辛巳建立 鑄字湯惟晟

幢後署名有漳州刺史崔衮新書宰相世系表清河

小房著子四次衮或即其人

四錄堂類集

李遇書陀羅尼咒并大悲咒幢 咸通六年八月十五日

石高二尺二寸周廣四尺九寸五分共六面卅八行行十九字今在河南許州

咒文不錄

施主曹彥詞於龍興寺西禪院內為自身清吉敬造僧伽和尚靈塔一所并塑和尚真身儀一軀安在塔內及

造石香幢一永充供養捨錢伍伯貫文永彰不朽時咸通六年八月十五日記

院主僧令深

李遇書

賈從政鑄

碑云造石香幢一永充供養書幢作幢當是古字說文新附始有幢字其實當為撞从心者古人假音猶勝作幢也西安經幢亦多用幢字

中州金石記

幢六面周刻前十九行標題云佛頂尊勝陀羅尼以小字單行注其下云上都大興善寺三藏沙門大廣智不空奉詔譯後廿四行標題云觀自在菩薩廣大圓滿無礙大悲心陀羅尼其次行大字題云大興善



寺三藏沙門大廣智不空奉詔譯末五行題施主曹  
彥詞於龍興寺云云并年月書鐫人名按上都即唐  
京城地理志天寶元年曰西京至德二載曰中京上  
元二年復曰西京肅宗元年曰上都上都不空西域人有  
建中二年巖郢撰徐浩書碑所譯經咒碑未及言唐  
刻陀羅尼幢皆佛陀波利所譯而不空譯者僅見此  
幢其譯大悲咒亦僅見此幢佛家持咒猶道家數息  
借此靜心調氣非以求福而大悲咒今世士大夫半  
能背誦然見此幢者百不一人余所收唐石刻此幢  
外尚有吾郡天寧寺之大中二年幢與咸寧縣卧龍

寺之咸通十二年碑及牛頭寺之乾符六年碑其大

悲咒惟天寧幢卧龍碑為伽梵達摩譯與今釋藏所

載同餘皆絕異今錄不空譯本而以三碑注其下云

曩謨囉怛曩怛囉夜野牛頭同天寧卧龍作南

阿哩也牛頭作曩莫阿哩也天寧卧龍作南囉囉野

婆盧羯帝燦鉢囉耶牛頭同天寧卧龍作南冒地薩怛囉野牛頭同天寧卧

耶摩賀薩怛囉野牛頭同天寧卧龍作南摩賀迦嚕拏迦

野牛頭同天寧卧龍作南怛你也他牛頭天寧卧唵牛

天寧卧龍同 薩囉婆曳牛頭作薩囉囉婆曳天娜麼塞訖

哩怛囉伊捨阿哩也牛頭作曩莫婆訖哩怛囉伊捨

阿哩也天寧卧龍作南無悉吉

阿利埵伊蒙 噶路枳帝濕 噶囉怛 噶須攤 塞蛇 牛頭枳

帝濕 噶囉怛 噶須攤 建梵 天寧 臥 曩麼 唵哩 娜演 摩

噶囉 噶囉 吉帝室 佛囉 撈 馱 婆 曩麼 唵哩 娜演 摩

噶囉 噶囉 以灑 弭 瑟也 弭 天寧 臥 龍 作 南 無 摩 囉 哩 娑

多利 摩訶 薩 噶囉 他 婆 馱 喃 林 哇 他 婆 馱 喃 林 娑 哩

喃 婆 噶 沫 囉 誡 天寧 臥 龍 作 薩 囉 步 哆 喃 婆 噶 麼 唵 誡

那摩 伽 摩 氏 馱 劍 牛頭 作 尾 戌 達 劍 天 怛 你 也 他 牛頭

寧 姓 龍 作 唵 牛頭 龍 同 天寧 阿 路 計 阿 路 迦 麼 底 牛頭 同

阿 婆 虛 醢 作 路 塞 底 牛頭 作 路 迦 底 天 訖 蘭 帝 牛頭

龍 帝 天寧 臥 係 係 賀 唵 牛頭 作 醢 醢 賀 梨 天 摩 賀 冒

地

薩怛

嚩

牛頭

同天

寧

龍

薩

婆

薩

麼

囉

牛頭

龍

與

同

作

摩

麼

嚩

哩

娜

演

牛頭

作

野

摩

利

矩

嚩

羯

捨

牛頭

作

俱

嚩

囉

麼

婆

盧

俱

度

嚩

度

嚩

尾

演

底

牛頭

作

度

嚩

帝

閣

摩

賀

尾

演

底

牛頭

作

摩

賀

尾

演

囉

娜

賀

陵

捺

囉

牛頭

作

馱

囉

達

梨

印

囉

牛頭

同

天

寧

臥

左

擺

左

擺

牛頭

同

天

麼

擺

牛頭

作

尾

麼

擺

阿

麼

擺

天

沒

嚩

帝

穆

曠

四

曳

四

牛頭

作

伊

醯

曳

四

天

計

濕

嚩

天

寧

臥

阿

囉

欽

鞞

囉

舍

唎

龍

與

此

幢

同

阿

囉

欽

鞞

囉

舍

唎

灑

卧龍作何囉  
參佛囉舍利  
羈灑羈欽  
野牛頭作你未灑尾灑尼曩捨

羈囉舍邪  
牛頭作慕賀左囉尼曩  
捨野天寧卧龍作佛囉舍耶護嚕護嚕麼

擺  
牛頭作虎嚕虎嚕麼擺天護嚕賀嚕  
寧卧龍作呼盧呼盧庫囉護嚕賀嚕  
天寧卧

龍作呼盧  
呼盧醜利薩囉薩囉  
天寧卧龍作娑囉娑囉  
寧卧龍作娑囉娑囉  
寧卧

哩悉哩  
牛頭同天寧卧素嚕素嚕  
龍作悉利悉利素嚕素嚕  
天寧卧龍作蘇盧

蘇沒地也  
牛頭作沒地野天沒地也  
寧卧龍作菩提夜天沒地也  
天寧卧龍作野

提冒馱野  
牛頭同天寧卧冒馱野  
龍作菩提夜天寧卧  
寧卧龍作菩提夜天寧卧

帝咧夜  
牛頭作弭但哩野天你擺蹇蛇  
寧卧龍作彌帝利夜天你擺蹇蛇  
建蛇天寧卧

龍作那娜哩捨娜  
牛頭作迦摩寫娜唎舍南  
謹作那娜哩捨娜天寧卧龍作地利瑟尼那播野麼

諾  
牛頭作鉢囉賀擺娜野摩娑嚕賀  
天寧卧龍作波夜摩耶娑嚕賀  
龍作娑婆訶

悉馱野

龍作悉院夜

娑縛賀

龍作娑婆訶

悉馱野

牛頭同天寧卧龍

娑縛賀

龍作娑婆訶

馱庾儼濕縛囉野

牛頭作悉院夜

娑縛賀

龍作娑婆訶

縛賀

牛頭同天寧卧

你擺塞姪野

牛頭作懶擺建姪

囉謹

娑縛賀

龍作娑婆訶

縛囉賀

私孕賀穆佉野

牛頭作縛囉賀

母佉法僧賀

母佉野

娑縛賀

龍作娑婆訶

訶縛囉鉢娜麼賀

娑哆野

牛頭作鉢娜麼賀

娑哆野

悉院

娑縛賀

龍作娑婆訶

作羯囉悉馱野

牛頭作

欲馱野

天寧卧龍

娑縛賀

龍作娑婆訶

播麼賀

娑跢野

牛頭作高佉舍縛

椰窠冒達曩野

娑縛賀

牛頭

天寧卧龍作波施摩羯悉哆夜

同天寧卧龍 你擺蹇蛇縛賀識囉野牛頭作摩賀

寧卧龍作那囉 婆縛賀牛頭同天寧卧麼婆喇餉羯

囉野牛頭作縛麼薩建馱你捨悉體多訖哩瑟婆縛

賀牛頭同天寧卧龍作娑婆訶牛頭此下有縛也伽

曩謨囉怛曩怛囉夜野牛頭同天寧卧龍作南娜莫

阿哩也牛頭作曩莫阿哩也天哪縛路枳帝牛頭同天

婆盧濕縛囉野牛頭同天寧卧娑縛賀牛頭同天寧

訶此下今梵本有唵悉殿都漫哆囉跋陀耶婆婆按

五藏地互萬里方言不同繙譯又有二合三合四合

之異故諸刻參差如此然對音仍近也四錄堂

王仲建墓誌

咸通六年十月廿二日

石高二尺廣一尺九寸五分廿七行行廿七字至卅二字不等今在河南孟縣

唐故太原郡王處士墓誌銘并序

鄉貢進士張

魏賓撰

兼書

太皞爰興木德啓姬周之運靈王少海緱嶺表登僊之  
慶故王之命氏始乎太子晉晉王生龜襲封于太原今  
為郡人也廿四代祖襄仕晉為大將軍以孝敬動天祭方  
國史流祚萬世忠貞顯隆軒冕官常有國皆有不復備  
列于斯誌君諱仲建字彥初即將軍之遠派也曾  
祖濟迨皇考坤咸以博識著稱委簪紱有羈縻之患



故適俗不仕 府君乃坤之次子矣幼而廉慎長而剛  
毅偉其貞而孝於家睦乎宗而潔諸已訥言敏行金穴  
山藏用捨無遺鶉駟一致誠明諒直清簡洽聞涵穎銳  
於鋒銳極逍遙於大道武齊樂伯劔敵莊周縱雄辯而  
嶰谷潛暄攄麗藻而綺霞爭秀志高氣遠稟象紫微當  
豹隱之餘芳應處士之嘉号非 公而孰能與於此哉  
識者以為懷寶不耀至信自彰探老氏之希夷固全真  
於物外者也方欲鍊形羽□漱液丹霄存神於回象之  
中抱一於杳冥之內將宣平生之大節豈料尋師未遂  
涉水俄侵賈生之鵬鳥遽延排寢之搏膺斯及嗚呼春

五河縣志卷之十一  
十一  
秋六十以疾不間終于河梁之別業 公娶清河張氏

乃班孟之名家胎訓之清譽蘋蘩繼代中饋祖禰之母  
儀耳故能有子一人焉曰知教實令嗣也自韶季卅歲  
所好所慕已脫落常態及成童伯仲以孝經授見末章  
有裂骨之痛親屬以為曾閔之疋俾專就養克符竭力  
之仁捧藥問安式展曰心之孝銜酸茹恨泣血寫蒼髀  
地捫心幾將滅性於廬次悲夫 繼夫人 安氏淋

順閨閫亦盡敬姜之禮知教乃抑情斂涕聲彼稱家尅  
已勵精莫終大事以其年歲在乙酉十月己酉朔廿二  
日庚午至孝由是哭踊無時徒跣備先王之制列儀旒

自三城護 府君之神座歸葬於河陽縣豐平鄉趙村  
之北原附 大塋啓 先夫人之舊窆合祔於斯禮也  
尚念鍾岳圯毀江甌權頽歷數有期堙滅無紀請編是  
誄於泉壙魏賓嘗游館穀竊覲徽音直筆其辭用旌孝  
子之慕鴉乃作銘云

王氏盛業姪周奕世降及仙才浮丘以濟元偉孝悌仕  
晉文帝義烈汪洋忠貞昭晰以至於公克揚嘉裔猗歎  
府君以大其先嗟々夫人柔順其賢孝子號天哀親弃  
捐感靈陶鶴相彼何阡峯巒鬱歸氣魄聯綿五黑之悲  
涼奚及陸機之雅賦依然檜栢秋月春松暮煙庶山川

之不易標誌誅於他年

右誌出自孟縣西河潭無年吳曰通鑑唐  
代中折考之知是咸通六年造也 乾隆  
己酉入志馮敏昌

太子晉廢為庶人其子宗敬為司徒宰相世系表太  
原王氏出自離次子威此碑云晉生龜襲封于太原  
亦異聞也貞元十七年追樹晉司空王卓碑云周平  
王孫赤奔晉自赤至龜八代代牧并州與此亦異

錄四

堂類  
集

蒲臺尉過訥墓誌 咸通六年十一月八日

碑高一尺六寸五分廣一尺七寸五分十六行行廿六七八字不等近斷失上截僅高一尺今在山東益都滂緯莊劉巖家

大唐故過少府墓誌銘并序

鄉

貢五經京兆杜去疾

述

公諱訥字含章澤州高平人也

曾祖諱庭 大父諱遷

先

考諱冥

公志堅松竹

氣稟山河踐□□□

蹤差顏閔之行十年閉戶命果從

人以大中十二年明經擢第當守選時潛修拔萃虛窓

弄筆研機自媿於雕蟲與奪在心可否詎由乎甲乙於

咸通

四年授棗州蒲臺縣尉以博厚

御物清白奉公執

友同寮固不仰止仕優則學前懇尚堅秩滿辭

親方希再捷豈期神理何員殲我良人如可贖兮人百

其命以咸通六年夏四月廿六日寢疾終於蒲臺縣之

官舍日子春秋卅有九夫人清河張氏恨無男嗣幼

女三人苦廬不施苴杖序位噫蓼我永訣俱切痛天風

悲總惟月照空室梵梵在疚仰訴少穹聲聚秋雲淚滴

成血乃議遷日龜筮告從即以其年冬十一月八日奉

其裳惟歸窆於青州永固原就先塋禮也銘曰

惜乎勤勲兮固不精研名宦俱就兮壽胡不延

風悲雲變兮星賈逝川孀妻幼女兮號訴穹天

遺命薄莫兮寔節從古  
勒石徵誌兮依土封

堦

永願明虛兮保寧幽宅

不遐有害兮於萬

斯年

右刻文十六行字徑四分內言當守選時潛修拔萃  
唐書選舉志試判三條謂之拔萃中者即授官是訥  
習此而不獲故云與奪在心可否詎由乎甲乙正指  
當時不得志於有司也及後秩滿欲希再捷竟未終  
願而沒矣李南澗文藻云碑出土處近古廣固城宜  
稱廣固原而此與福勝院幢皆作永固者或隋煬帝

時改之耳

山左金石志

張珂造陀羅尼經幢 咸通七年四月八日

石高四尺一寸五分周廣六尺一寸八面周刻五十三行上方泐缺每行僅存約五十字今在山東益都

經文不錄

沙門繼遠書

缺沈迷勝利莫測求□者□□□□為上□者福利河

沙沉乃揀良工瑩南山之奇石選釋氏書西國之梵經

上缺効無處酬恩今創造佛頂尊勝寶幢一所經教具

明存歿獲益 張公乃俗務之下不倦修崇禮樂之餘

無□

上缺心香風佛鉢口願無不稱遂南北無虞合家

平安永增福慶詞曰 善住之後次至張公今時修福

還與昔同寶幢嵯峨

上缺寧口

功德主張珂妻龔氏



男鄭老 次男小鄭 外姑蘇氏 咸通七年歲次  
丙戌四月八日建 造幢人邵文口

女重陽

右幢在青州府司獄署外朱朗齋自他處借錄幢記  
經序凡十五行每行之末尚有闕字其後經文三十  
六行不具錄李南澗云自碑首為建幢序其下儀鳳  
元年云云則尊勝經之序而經又刻其後顛末俱不  
完所存尚二千餘字錢辛楣少詹云唐刻尊勝陀羅  
尼經多不著年月及書者姓名是碑皆有之為可珍

也

山左金  
石志

此幢八面周刻上方泐缺不完下方有線不缺前刻尊勝經序十行後空一行次刻經文卅七行其經末信受奉行下題佛頂尊勝陀羅尼經并序沙門繼遠書後刻張珂建幢記并題名共五行山左金石志未見拓本僅據朱朗齋及李南澗語故不免首尾倒置也

徐州功曹叅軍劉仕備墓誌 咸通八年正月廿五日

石方廣二尺十行行十九字至廿一字不等今在陝西長安

唐故朝議郎守徐州功曹叅軍上柱國劉公墓誌銘  
御食使登事郎上柱國賜緋奠袋張象撰并書

公諱任備字方同彭城人也 祖諱光奇開府知內侍

省事父皇諱英閔特進 太夫人楊氏 妻張氏先終

公有二女長適田氏次適張氏二男曰壽郎先逝次曰

齊宴年十二公氣含清韻獨異貞姿業廣藝深事皆天

假孤標狀高松之拔衆林朗質若秋蟾之懸碧落温若

克已節儉修身順協于家忠貞於國公寶歷二年六月

五日奏授出身累叅選序數授令丞後任徐州功曹叅

軍公紀綱一郡椽理六職清貧而吏靡忍欺單步而人

懷其惠操心政理美譽溢彰枳棘非鸞鳳之所栖百里

豈大賢之所任公性親方與志慕雲霞朝披黃老之書

暮覽南華之要誼躡每獸蟬蛻歸元身既離於俗塵名  
定著於紫府公咸通七年十二月一日終於輔興里春  
秋八十矣八年正月廿五日葬于長安縣龍首鄉 祁  
村嗚呼寒暑忽侵纏綿數載針藥無瘳百齡斯泯嗟夫  
盛衰生死實可痛哉乃為銘 波瀾不息 逝水屢  
屢 浩浩悲風 摧枝何遄 千年永訣 一往無還  
咸通八年正月廿五日

唐書百官志無登事郎尚食局亦無御食使據此碑

張象系銜則志文闕略也

四錄堂類集

新修曲阜縣文宣王廟記

咸通十一年三月十日有側

已見王氏萃編

卧龍寺大悲咒并陀羅尼咒 咸通十二年正月廿七日

已見王氏萃編

孝子張常清旌表碑 寶刻叢編云咸通十三年

碑石殘缺僅存十七行碑側二行可識者共一百九十字今在江蘇句容義臺

上 缺 □ 鄉 下 缺 上 勸令飲 下 缺 上 之憂匪唯一日 下 缺 上 缺

元之賢 □ □ □ 下 缺 上 雖庸愚備知盛美竊 下 缺 上 我

唐以至張君令名是揚 下 缺 上 志行不忒節彼高墳魏

然如崗 下 缺 上 □ 州真寧縣主簿 □ 塚叔立 □ □ 下 缺

上 缺 墓三載人到於今稱之 □ 吳郡張侯 下 缺 上 里仰其

道狠戾者為之恭恪悖慢者為之缺下 缺上時職缺務於

金陵白之御史譚公為請時缺下 缺上家雖四壁 大

君之缺文人之麗缺下 缺上有缺之德事親愛

以順交朋友以信部帥知之缺下 缺上伯缺之夫

必喟然歎息霏然缺乃出琴書缺下 缺上

唯孝勸孝百缺庶乎不朽君諱缺下 缺上

順之缺百缺光缺哲人缺下 缺上

乃立貞石缺照缺遺碑缺

朝議郎行潤州句容縣令呂倓 奉義郎行丞

缺下

碑側

上句容領副使裴斌

錄下

咸通十

下

唐貞元五年旌表張常洧門閭勅一道并紀孝行碑  
前許昌主簿高宇撰旌表碣贊句容主簿承瓌撰皆  
同刻不著書人名字常洧字巨川句容人居父喪廬  
墓過期有芳草生墳上故見旌表

集古  
錄目

右唐孝子張常洧旌表碣文字摩滅僅可見其髣髴  
蓋孝悌之為名人之所甚慕而旌表非為一世勸也  
故特錄之者惜其將遂不見於後世也其文辭筆畫

亦自可佳然不專取乎此也

集古錄

唐孝子張府君旌表碑王承福書雷珍題額咸通十

三年

寶刻叢編引  
諸道石刻錄

右碑正書石已殘缺在句容義臺孝子名常洧有廬墓之行集古錄有其碑目今已不存此碑殆建中時縣呂倬所立故中有其名碑側又有咸通時題名也

江寧金石記

寶刻叢編張孝子旌表碑再見一為貞元五年一為咸通十三年今僅存片石其側有咸通十字蓋後碑也然觀碑字較小而末行呂倬題名及碑側咸通時



題名字較大似官是土者陸續加刻則此即貞元碑

亦未可知

四錄堂類集

左拾遺孔紆墓誌咸通十五年

已見王氏萃編

劉幼昇等造陀羅尼經幢乾符二年十月十五日

石高七尺三寸周廣九尺八面周刻七十二行約六十三四字不等右行今在河南滎陽

經文不錄

建尊勝幢記并讚

鄉貢進士鄭昌嗣撰并書

昭然 大唐明聖文物之代符堯舜垂衣之治者蓋

我后以天下為一家西涉流沙南盡牝戶東有東

海北過大夏人跡所至無不臣者行禹湯罪己之道荷  
聲明之大業不拓土不開墻烽燧弭徹干戈載戢海外  
有截中夏晏然無繁賦無勞人慰弱者刑鰥寡孤獨各  
得其所生物遂其性者蓋 □□敷布德被遐邇所及  
也然後顯佛理崇釋門無賢無愚咸知虔信遂使水不  
為涸旱不為災歲不至大侵殺不嘗小起我之 帝德  
也我之佛力也時之感致也斯邑也有邑人劉幼昇等  
敬善彌堅雖匹夫不可奪志私願首舉響應其言中無  
難色者是向道不迴矣遂立佛頂尊勝陀羅尼經幢并  
座高叁拾尺幢之建也力非富工非抑饋給者不以疲

為諱負販者不以利為怯大哉神通有是化也力既就  
矣功既成矣永願淨除妄想超越一切聲聞緣覺觀如  
來不可思議就精進及心惠智離陰界入解脫識相求  
漸淨非頓之門受安樂具足之福曉四禪逾九地得无  
生之妙法決大乘之深教祿壽霈霈精進不怠冀贖部  
之苦共登羅之因聊紀歲時用彰不朽 讚曰 有漢  
興教 有唐彌遵 厥典昭彰 化萬代人 惡不染  
著 善證果因 蠢蠢群生 同霑影塵 其一 解脫  
煩惱 有陀羅尼 咸生淨上 受大慈悲 桑田可  
變 陵谷可移 唯茲立石 鎮古巍巍

大唐乾符二年歲在乙未十月十五日建計用功價見  
錢捌拾貫文米麵共伍拾碩茶貳拾斤鹽貳拾斤 鑄  
匠李約魯敬存

主掌功德價維耶羅存 都勾當維耶劉幼昇

大宋國乾德三年歲次乙丑三月庚辰朔二十五日丙  
申比丘僧口光發願重建立 督料張氏 鑄字人王

口此一條刻在鄭昌  
副撰并書之下

右幢字畫精整經後有乾德三年小字一行蓋此幢  
仆而重立也云庚辰朔則丙申為十七日而云二十

五日必有一誤四錄堂  
類集

瑯琊王夫人墓幢 乾符三年二月廿四日

已見王氏萃編

卷六十七

趙踪墓誌 丙申年七月三日

石高一尺九寸廣二尺廿二行行廿三字至廿七字不等今在山東益都

唐故居士天水趙府君墓誌銘 并序

將仕郎前試左武衛兵曹參軍申昉述

府君姓趙氏 襲天水人也 別業易州來水縣 頃因先父漂□□仕流浪海隅 從軍地遠 徙居青□□廿迄今凡二百年矣 先妣夫人太原王氏 生公是季子也 府君生居於北海之郡 志好雲林山水 南北貿易 利有攸

往廣涉大川博學古墳與朋友交言行敦美信義彰聞  
 輕金玉立善外著孝行六親 府君諱琮字光婚夫人  
 太原王氏有男三人長曰審巖次曰審裕季曰審文女  
 一人初笄之年適夫陰氏孟男年居弱冠之秋居然老  
 成安詳大雅含國風之堅操行行古人立信温尚可謂  
 父詢有知流嗣千載矣 夫人王氏令淑賢 居喪淚  
 血在苦塊之內殞哽蘭干骨髓楚消 譽聞三從之  
 導著 府君遇軍情變亂不以交道仇 生涯亦  
 不遭毀蕪錢穀湛然上下無虞藁食安貼乙未歲季夏  
 月五日遇疾青州之私弟下於人廿丙申年七月三日

命知日卜得吉夕殯於益都縣南五里建德莊雲門山  
東塋原禮也慮山河更改松筠彫萃遂紀年代乃為銘  
說 銘曰

天水之君 蘊志難群 孝行雙美 立惟松筠 卓

然孤立 在世推 生好東臯之利 滅亾迥返高

墳 有子賢行 傳代光門 女從他氏 五德猶存

白楊千載 滋茂兒孫 落日烏啼 猿叫荒村

都 思遺念 臨棺血淚 其 生涯終不改 兒女

永無依 其二 生平事留縱 萬代存 其三 嗣流孤壠

下 恩愛向誰論 其四

右碑在益都縣李司馬文藻家朱朗齋從他處借錄  
文二十二行字徑五分文與書皆出愴父之手不載  
年號僅紀甲子攷丙申當是僖宗乾符三年豈值唐  
之末季此地為藩鎮所據人習于亂而不稟正朔至  
此歟廿字缺筆避太宗廟諱云殞於益都者殞與葬  
古皆通稱非自唐始

山左金石志

碑云丙申年七月三日無年號疑是後唐清泰三年  
是時石敬瑭反至十一月即晉天福元年也據碑云  
府君遇軍情變亂亦是五代之證山左金石志及訪  
碑錄列于乾符三年今姑從之

四錄堂類集



謁昇仙太子廟詩乾符四年閏二月三日

已見王氏萃編

陳宗可等造陀羅尼經幢乾符五年八月十五日

石高六尺周廣六尺三寸六十四  
行行約七十字今在河南許州

經文不錄

佛頂尊勝陀羅尼經幢讚并序

進士邢筠撰

蓋聞佛力無邊教化各異靜而思之同歸一軌至如尊  
勝陀羅尼經者應佛陀波利之願也原夫起自西天流  
于東土初從梵本後譯唐言是苦海之津梁實人民之  
舟楫但有迴向無不蒙益爰有清信士陳宗可等並久

親善道早悟佛乘知聚沫之無堅視芭蕉之速朽故致  
攷金地稽首高僧披露至城欲結尊勝寶幢之會僧□  
□隨順轉□□合結無上勝因□□當是妙乘諸公  
意無先後遂令藏鍛金地買石他山召募良工精心鑿  
礪未渝數旬琢磨當就雕鏤既罷樹立俄成魏：也勢  
聳于青霄□□也形□於碧落莫不睹之罪戾□□福  
生七□□□角之身三塗息泥犁之苦然後願合會老  
幼普獲休祥在軍者爵祿咸臻經求者資財驟集復願  
人人增壽攸歸鶴□□之□□□□形□□寒林之三  
秀如斯功德浩汗無涯以百千舌歎不能盡筠之無德

課忝諸生不揆荒虛略而為讚 讚曰 彼尊勝者

起自西天 教中之寶 法中之先 諷之誦之 永

離蓋纏 三塗未受 七 休 結會歸敬 獲福

无边 鐫 永保貞堅 時乾符五年秋

八月十五日工畢應會人等具列如後 當寺都

維那僧方諗 寺主僧奉璘 上座僧巨崇 勾當僧

皓澄皓漪 清信士都維那陳宗可 謝約 李繁

蕭存武 殺承規 張益 張彥符 楊應詞 張文

慶 王建 王少萼 衡少直 張少真 羅穎夫

張建立 張文實 張從實 王岳 董邨 劉綬

揚佶 鄭從武 張周 高思昱 可宗 莫幼

王璣 李敬方 尹章 王章 韓 鄧武 鄧仇

薛行存 戴武 苗厚 張重六 邢璠 唐稹

鐫字人莫政 賈敬文

成君信墓誌 乾符五年十一月廿九日

石方廣一尺五寸五分十八行行廿四  
五字不等今在山東益都

唐故上谷成公墓誌銘 并序

公諱君信字匡時其先本周成伯之後父惠通皇平盧  
軍先鋒副馬軍兵馬使檢校太子賓客兼御史大夫祖  
瓌皇不仕公立性端良剛柔得中內藏方奧外示謙和

早為軍府爪牙之職後以年德將邁退居里中有識是者知公懷大信大義為至英至仁皆暗慕相知公亦默而見諾故得門多長者之車親皆禮樂之士何乃日月有數疾瘵屢鍾以乾符五年八月八日終於私第享年六十七公娶武陵嚴氏生一男行實婚武威段氏一女適隴西牛從寔寔為節度要籍支計斛斗司公以孫建立為之後婚清河張氏建弟小福公喜絳郎等年悉幼稚心力未任姪行賓為右廂都虞候判官皆行賓及子聳行寔感激嚴訓竭力祇承佐夫人同辨遷厝以當年十一月廿九日葬於青州益都縣望沂鄉之原也旌幃

平江館金卷五續卷十二  
前去孤雲為之慘悽輜車後來流水豈任嗚咽慮江河  
他去巖谷遷移聊錄行藏以銘貞石銘曰

天際高標 藏諸道德 素月懸微 白雲為則 卓  
雅有稱 規章無忒 唯信唯義 心期本志 自悅  
自悞 誰達茲事 青松白楊兮乃荆棘之固殊 千  
秋萬歲兮因積善之能置

右碑益都新出土兄弟字作弟獨見于此

牛頭寺陀羅尼并大悲等咒幢 乾符六年二月十二日

已見王氏萃編卷六  
十七

北嶽廟李克用題名 中和五年

已見王氏萃編

文耆陀羅尼咒幢

光啟四年四月十五日

石失下截僅高一尺八寸周廣四尺三寸卅二  
行行僅存八九字今在山東益都舊城城隍廟

咒文不錄

闡出三塗離諸苦惱

缺下

生

於塵露衣

缺下

文耆

建幢於龍興寺

缺下

噫嘻

寒松千尺

澄泉

缺下

□

宣之偈

如來秘密之音

缺下

光啓四年四月十五

缺下

右幢下截殘闕末面刻記文年月四行光啟為唐僖

宗年號四年二月已改元文德而此稱光啟者于時

王敬武據淄青等處羣雄迭相吞噬兩河阻絕宜乎

新命未至鄉曲猶用舊號也

山左金石志

萬壽寺記景福元年八月一日

已見王氏萃編

張夫人墓誌景福元年十二月廿日

石高一尺九寸廣一尺九寸五分十四行  
行十七字至廿一字不等今在山東益都

唐故清河郡張氏夫人墓誌銘

夫樂安郡孫珣述

噫夫人姓張氏其淑慎貞素稟自生知退讓儉遜不從  
於訓祗奉晨夕終始若一吁言乎不祿弃我私室蘭摧



春霧連墜秋風隙影難迴逝波不返男一人高姐電影  
未分槿花已落女二人長曰奴哥穠花未開嚴霜暗墮  
次曰郭兒非髮未認繼我門嗣夫人年四十有三以景  
福元年冬十二月二十日卜地於  
府城之南雲

門之下樹止隴而銘

銘曰

日月有度兮生死無常 白晝其速兮夕夜何長 澠  
水為隣兮雲門是鄉 千年万祀兮春露秋霜

時景福元年歲次壬子十二月辛未朔二十日庚寅孫  
珣紀

右刻文十四行字徑六分夫為妻銘僅見於此內云

景福元年十二月二十日卜兆於府城之南雲門之下案武德四年於青州置總管府宜有府城之目矣

乾隆癸丑間縣人段赤亭搜得之

山左金石志

僧省傳書陀羅尼經幢 景福二年八月八日

石高六尺周廣九尺六寸八面共七十六行行六十三四五字不等今在山東文登

經序不錄

僧飯誠 飯忠 機志廣 引行遠 法堅

僧省傳書

已上署名一行在經文標題下  
蜀賓沙門佛施波利之下

經文不錄

竊聞天不能並覆地不能俱載父母有生育之恩而不

免沉淪之患師資之道即不然訓我以法樂我以心悟  
之於一言之下頓超生死之境得之於有無之際便登  
常樂之門万路交馳而不能撓其道三界炯燃而不能  
壞其性是知師資之礼孰能報哉 先師俗姓張氏法  
諱取敬當邑人也即靈塔大師上足也幼歸釋氏長參  
方宗一言合道使契真理掛錫崑峯久歷星歲近厠茲  
院未更歲餘疾恙漸繁即赴魔請付囑斯在遷神淨方  
春秋卅有七去 景福之首五月九日已歸大寐門人  
全意等以絕粒齋心香花供養素服之載礼之如存遂  
則捨茲所有建彼尊勝幢焉於是召良匠鑿嘉山穿厚

地而取奇石剪長林而出玃材役百千人功計半一之  
歲莫不金槌連擊鋼鑿雙衝玉屑迸飛石火電耀吐蓮  
華之仰覆垂瓔珞之縱橫瑞氣祥雲若盤龍之偃蹇懸  
針垂露似返鵲之遨翔一軸真文橫鋪八面以日計時  
功圓既旣於是卜縣之良位置院之坤宮地連溟渤勢  
接崑巖四山如口日之形万像帶含春之景坐中秀氣  
視遠近之江山枕上泉聲聽曉夜之流水奇希無憂之  
所髣髴極樂之場可安尊勝之文可置不朽之跡伏恐  
峻遷谷變渤澥成塵若不鏤石於斯何表將來之紀

景福二年八月八日功德主僧全意全謹

僧道全

倉督王聰思王安都料孔約 男令詮鑄字

將仕郎守登州文登縣令徐肇 將仕郎守登州文登

縣主簿樊處厚 將仕郎守登州文登縣尉孔選 登

州軍事押衙銀青光祿大檢校太子施主宋裕 賓客

兼監察御史上柱國步令誠 前登州通引官梁茂隆

鄉貢學究徐口

已上題名在  
幢未上截

押司錄事官吳 錄事史張令 矯宣 句司王偵

衙司姜璟 司功司張從劉舒 差科司于梅 司戶

司王負 兩稅劉琛馬岳 司倉李直 劉鄙 于規

孔存 于回 丘暉 譚鄙 于教 孫從 卑洪

王君鄭 孫宏 常平倉司王君實 王周 司法

司林從本 司士司王處均 初採里正王顯 王供

綬 譚仙 于可迴 王翥 錄事司書手鞠幹 徐

幼從 姜賢 于珂 于儒 馬遊 楊珂 王標

佐史王標周孟洪 于孝章 張公集男雲霄 楊思

明 朱鄙 樊存 臧伸 趙臯 林厚 孫貞 于

聰思聰言男吳老姪男吉大 劉師 施主張存 亡

孫男玉郎 敬璋 敬儒 敬德 施主姜勤 姜礼

姜本 施主于 于德 林宗 林暎 林和

林從 曹周 曹初 林清 姜景 竇方 趙從趙

立 張存 張僚 張立徐氏二娘 □ 押司錄事姜

恕 □ 押司錄事 □ 太賢 施主姜鐸男 馮頊 馮玩 孫

男希傑 希英 希 □ 懷信 懷懷 懷侶 母劉氏

王氏新婦徐氏秦氏郭氏女大娘三姐 □ 人張 □ 賞

周曾 □ □ 宜 □ □ 劉氏 錢氏 丘氏 徐氏

周氏 張氏 丘念德 □ 翁張廷 □ □ 仁

□ □ □ 二人重陽 尊婆王氏 阿婆王氏 家母

于氏 母令氏四娘 已上題名在  
幢末下截

右幢署名有錄事史稿宣又有卑洪皆希姓廣韻矯

又姓引左傳晉大夫矯文卑亦姓引蔡邕胡太傅碑

有太傅掾鴈門卑整四錄堂類集

威武軍節度王審知德政碑 天祐三年閏十二月一日

已見王氏萃編

重修法門寺塔廟記天祐十九年二月廿六日按當梁龍德二年

已見王氏萃編卷一百十九

檢校太子賓客尔朱達墓碣 口口十四年十一月

已見王氏萃編

濟南郡林公碑額

石方廣二尺八寸三行行三字今在山東益都東關三義廟

大唐濟南郡林公誌銘



石蓋中題大唐濟南郡口公誌銘三行四周刻佛像

十二亦僅見也

山左金石志

右武衛大將軍李府君碑額

石高二尺三寸廣一尺七寸五分三行行四字

唐故司武衛大將軍李府君碑

右額題云唐故右武衛大將軍李府君碑字徑五寸篆法圓勁疑唐中葉已後碑也

陀羅尼經幢

無年月

石四層上層高二尺八寸二三四層各高二尺五寸周廣一丈二尺三寸六十六行行約五十六字

經文不錄

七佛俱勝真言

在上層末

地藏菩薩真言

在二層末

密多心經真言

在三層末

觀音菩薩消災真言

在四層末

俱不錄

石佛頂尊勝陀羅尼經日照三藏譯正書字徑寸六

分後附四咒其石四層合文無年月書人名楷法酷

類方秘塔疑此亦柳公權書在秦安縣冥福寺寺有

五幢此幢最高大其三幢皆五代所刻一幢殘缺卧

于殿東北小園中余所親見

四錄堂類集

造像九種

無年月

二種高四寸廣六寸  
四行行五六字不等

阿彌陀佛主王太為亡母董

文殊師利并主甯守一母張

五種共橫廣三尺高四寸五分一種五行一種  
七行一種三行一種七行一種五行行字不等

藥師瑠璃光佛主姚庭光母常合家一心供養

普賢菩薩主甯十住合家一心供養

像主懷州河內縣王三娘供養

文殊師利菩薩比丘僧元慶敬造

阿彌陀佛主口口口妻口氏合家一心供養時此下當  
有年月

失拓或  
已泐

二種共橫廣一尺四寸高三寸  
一種四行一種五行行皆二字

佛弟子郭翹母秦

弟子宋欽順妻李氏口

右造像題字三紙共九種當是唐刻中有懷州河內  
縣字蓋即搨之河內者武德二年始置懷州知非六  
朝刻也其書像主作苻主苻讀若莽與像聲近故得

借用四錄堂

類集